



27 DEC, 2024

Tarif elektrik kekal bagi tempoh 1 Januari hingga 30 Jun 2025

Harian Metro, Malaysia



Tarif elektrik kekal bagi tempoh 1 Januari hingga 30 Jun 2025

Putrajaya: Kerajaan pada 13 Disember 2024 bersejua supaya kadar rebat dan surcaj terhadap tarif elektrik berdasarkan mekanisme *Imbalance Cost Pass-Through (ICPT)* yang dikenakan kepada semua pengguna elektrik di Semenanjung dikekalkan bermula 1 Januari hingga 30 Jun 2025.

Kementerian Peralihan Tenaga dan Transformasi Air dalam satu kenyataan berkata keputusan tiada kenaikan tarif elektrik kepada semua pengguna di Semenanjung bagi tempoh berkenaan menunjukkan bahawa kerajaan komited

menjamin kesejahteraan rakyat dengan memastikan pengguna domestik terus dilindungi melalui pelaksanaan subsidi elektrik secara bersasar.

Secara keseluruhannya, jumlah subsidi elektrik bagi tempoh dari bulan Januari hingga Jun 2025 yang akan dibiayai oleh kerajaan adalah sebanyak RM2,388 juta.

Kementerian percaya bahawa pelaksanaan subsidi elektrik secara bersasar adalah pendekatan terbaik pada masa ini supaya mengurangkan komitmen subsidi kerajaan supaya

peruntukan dapat disalurkan dalam pelbagai bentuk bantuan lain kepada rakyat serta membolehkan menambah baik infrastruktur awam, penjagaan kesihatan serta menyokong sektor pendidikan negara.

Seterusnya, kerajaan pada 13 Disember 2024 turut bersetuju dengan penetapan kadar purata tarif asas elektrik di Semenanjung bagi Tenaga Nasional Berhad (TNB) di bawah kerangka Incentive Based Regulation (IBR) untuk tempoh Regulatori Keempat (RP4) bermula pada 1 Januari 2025 hingga 31 Disember 2027.

Sehubungan itu, kerajaan melalui Suruhanjaya Tenaga (ST) sedang memuktamadkan cadangan jadual tarif baharu yang mencerminkan kos pembekalan elektrik sebenar dan lebih kompetitif selain mengekalkan keseimbangan trilema tenaga dan jadual tarif baharu ini dicadangkan untuk dilaksanakan bermula pada 1 Julai 2025 dengan membabitkan implikasi kewangan dianggarkan RM3,570 juta yang akan dibiayai oleh Kerajaan.

Selain itu, kerajaan terus kekal komited memasti-

kan kebajikan golongan berpendapatan rendah terpelihara melalui Program Rebate Elektrik RM40 untuk pengguna elektrik dalam kategori Miskin Tegar yang berdaftar dan disahkan dalam Sistem e-Kasih di seluruh Malaysia pada tahun 2025 dengan peruntukan sebanyak RM55 juta.

Pengguna yang layak boleh membuat semakan status kelayakan masing-masing di laman sesawang [https://semakan-rebat.petra.gov.my/ap-
ps/public/index.php](https://semakan-rebat.petra.gov.my/ap-
ps/public/index.php) atau hadir ke kedai utiliti berhampiran. Pengguna juga

boleh melihat jumlah subsidi elektrik yang diberikan oleh kerajaan di dalam bil elektrik bulanan masing-masing.

Kerajaan berharap pengkekal tarif elektrik bagi tempoh 1 Januari hingga 30 Jun 2025 ini akan menjamin pemain-pakin industri supaya memastikan kestabilan harga barangan di pasaran di seluruh negara dan menyokong usaha kerajaan untuk menggalakkan pelaburan di Malaysia sekali gus meningkatkan peluang pekerjaan kepada rakyat dan merancakkan sektor ekonomi negara.